

ԲԱՐԵԳՈՐԾ

ՊԱՇՏՈՆԱԹԵՐԹ «ԳՈՒՐԳԵՆ ՄԵԼԻՔՅԱՆԻ ՔԱՇԱԹԱԳԻԻ ԲԱԶՄԱԶՎԱԿԿ ԸՆՏԱՆԻՔՆԵՐԻ ՀԻՄՆԱԴՐԱՄԻ»
BAREGORTS, հուլիս – օգոստոս 2024, № 2 (62), БАРЕГОРЦИ

ՆՎԻՐՈՒՄՈՎ՝ ՀԱՅՐԵՆԻՔԻ ՈՒ ՀԱՅԱՍՏԱՆԱՀԱՅՈՒԹՅԱՆ ՀԵՏ

Մեծ տերությունների շահախնդիր քնահանույքով և պատմական դաժան ճակատագրի բերումով մեր հայրենիքը մասնատվել է, մահվան գերանդրոց փրկված բնավեր ժողովուրդը՝ ցրվել աշխարհով մեկ: Հենց այդ պատճառով է, որ գրկվել ենք մեր մեծ հայրենիքի պատմական տարածքներից, հայությունը սփռվել է աշխարհով մեկ, և գաղթօջախներում հայերն ավելի շատ են, քան բզկտված, մի բուռ մնացած բուն հայրենիքում՝ ներկայիս Հայաստանի Հանրապետությունում: Արդարության ծարավի հայությունը նախորդ դարերից ինչպես հզոր գարթոնք ապրեց, մեծ հաղթանակների բերկրանքին վերջին տարիներին հաջորդեցին ցավալի կորուստներ ու դառն հիասթափություններ: Հայաստանն այսօր լավագույն օրեր չի ապրում. բարդ ու լարված է երկրի քաղաքական արտաքին իրավիճակը, անհանգիստ է ներքին կյանքը, և սպազայի հեռանկարն էլ շատ մշուշոտ. պատերազմից դժվար սպաքինվող վերքեր, անդառնալի մարդկային ու տարածքային կորուստներ...

Դժվար ու նեղ վիճակ, որ մտահոգում, անհանգստացնում է նաև ափյուրքի մեր եղբայրներին ու քույրերին: Մակայն անհույս չէ մեր սպազան. աշխարհացի հայության միասնական կամքը մեր բարոյաժողովրդական ամուր ու կայուն հենարանն է: Լավ ուղեցույց է. Հույսի մի ծիլն արժև գարուստ մի գարնան,- ասել է բանաստեղծը: Ծանր կորուստներից հետո այսօր ունենք բազում «հույսի ծիլեր»:

Ամերիկահայ Նիկոլայոս Ազուլյանն ու կանադահայ Խորեն Մարդոյանը նոր անուններ չեն և հանրությանը վաղուց հայտնի են հայրենիքին ու հայությանը ամեն կերպ իրենց հնարավորություններով անսակարկ օգտակար լինելու պատրաստակամությամբ: Նրանք իրենց դրսևորել են և՛ Արցախի հայաթափումից առաջ, և՛ հետո, երբ տեղահանված արցախցիները ապաստանեցին ՀՀ տարբեր բնակավայրերում:

Վերջերս Երևանում էին մեր հիմնադրամի լավ բարեկամները՝ ամերիկահայ Նիկոլայոս (Նիկ) Ազուլյան և կանադահայ Խորեն Մարդոյանը: Նրանց հետ Գուրգեն Մելիքյանի և մեր հանդիպումից ու գրույցից ստորև դրվագներ ենք ներկայացնում մեր ընթերցողին:



Խորեն Մարդոյան և Նիկ (Նիկոլայոս) Ազուլյան

ԹՂԹԱՎԻՑ – Բարև Ձեզ, արև Նիկոլայոս Ազուլյան, ինչպես գիտեք, ես «Բարեգործ» պաշտոնաթերթի խմբագիրն եմ: Անշուշտ, հիշում եք մեր նախորդ հանդիպումը 2022 թ. օգոստոսին Ստեփանակերտում՝ «Արփեն» Մայր և Նորածին կենտրոնում և «Պարկ» հյուրանոցում: Այն ժամանակ Դուք Արցախում էիք՝ տեղում Ձեր անմիջական աջակցությունը արցախցիներին ցուցաբերելու առաքելությամբ: Այսօր Արցախը հայազրկված է, մեր քույրերն ու եղբայրները, նրանց

ծնողներն ու երեխաները մահվան սպառնալիքի տակ հագիվ են իրենց կյանքը փրկել և տնագուրկ ու հայրենագուրկ՝ ապաստան գտել ՀՀ տարբեր բնակավայրերում: Մա, ինչպես տեսնում ենք, սոցիալ-քաղաքական այլ իրավիճակ է՝ անհամեմատ ավելի բարդ, քան նախկինը ...
Ահա այսօր Դուք Երևանում եք, ու մենք կրկին հանդիպում ենք, և բարեբախտություն է, որ միասին ենք կանադահայ մեր հայրենակից Խորեն Մարդոյանի ու պրոֆեսոր

Գուրգեն Մելիքյանի հետ, որը գործադիր տնօրենն է իր իսկ անունով մկրտված «Քաշաթաղի բազմազավակ ընտանիքների հիմնադրամի»:

Հայրենիքից դուրս ապրող ամեն հայրողի, իմ համոզմամբ, Հայաստանի ու իր ազգակիցների հանդեպ ունի ձգողական անբացատրելի ուժ ունեցող որդիական պարտավորություններ ու պարտականություններ: Կարծում եմ այդ անտեսանելի գործությունն է ձեզ կրկին Հայաստան բերել, և ձեր այցելության նպատակը չի փոխվել, պարզապես արցախցիներին օգնելու ձեր առաքելությունը հիմա պիտի Հայաստանում իրագործեք:

Ասացե՛ք, խնդրեմ, ինչպե՛ս եք տեսնում Երևանն այսօր, ո՛ր կտանի մեզ իրադարձությունների ընթացքը և ի՛նչ ծրագրեր ունեք արցախցիներին օգնելու:



Ն. Ազուլյան և Գ. Մելիքյան

ԱԳՈՒԼՅԱՆ Ն.– Ծատ դժվար հարցադրում է, լիարժեք պատասխանելը՝ նույնպես: Մի բան հաստատ է. մենք հայրենիքի նեղ պահերին միշտ նրա կողքին ենք:

Ըջմարիտ եք, Արցախի հայությանն օգնելու մեր նպատակը չի փոխվել, ընդհակառակը, նոր իրավիճակն ավելացրել է մեր պատասխանատվությունն ու նպատակադրումները: Իմ տեսակետն է՝ արդար է, որ բոլորի պես պետք է օգնենք Արցախից բռնազաղթված մեր եղբայրներին ու քույրերին առավել ևս հիմա, երբ նրանք դարձել են Հայաստանի հանրության, մեր հասարակության մի կարևոր մասը: Նրանց օգնելը մեր մարդկային ու բարոյական պարտքն է: Հենց դրա համար ենք ես, Խորեն Մարդոյանն ու սփյուռքի մեր մյուս հայրենակիցները Երևանում:

Գործընթացը շարունակական է: Մենք օգնել ենք և օգնելու ենք մեր հարազատներին: Արցախի հայաթափման ու բռնազավթման աղետը համայն հայությանն ավելի պիտի համախմբի ու հզորացնի, որ կարողանանք դիմագրավել թշնամական ուժերի մարտահրավերներին:

Այս առավոտ ինքս առերեսվեցի մեր պատմության հետ և ճշտեցի, որ 1988-ի երկրաշարժից հետո ծնունդ առավ Հայաստանի ամերիկյան համալսարանը: Հուսով եմ այս աղետներից հետո էլ մի լավ բան կհառնի Հայաստանում:

ԹՂԹ. – Պրն. Ազուլյան, Դուք, անշուշտ, ծանոթ եք Գուրգեն Մելիքյանին և նրա ղեկավարած «Քաշաթաղի բազմազավակ ընտանիքների հիմնադրամին». ինչպե՛ս եք գնահատում նրա գործունեությանը, ի՛նչ է Ձեր կարծիքը նրա մասին:

ԱԳՈՒԼՅԱՆ Ն. – Ֆանտաստիկ: Ծանոթ եմ 2001 թվականից: Այն ժամանակ Գ. Մելիքյանն ինքն է կազմակերպել մեր ուղևորությունը դեպի Արցախ: Վերջին անգամ Արցախում եղել եմ նրա հետ Ձեր հիշած ժամանակում 2022 թ. օգոստոսին:

Լավ հիշեցրիք. մեր նախորդ հանդիպման ժամանակ Ստեփանակերտում ես տեսա, թե ի՛նչ հսկայածավալ

ազգանվեր գործ է իրականացնում «Գուրգեն Մելիքյանի՝ Քաշաթաղի բազմազավակ ընտանիքների հիմնադրամը», որն օգնել է Արցախում պատկառելի թվով հայ երեխաների լույս աշխարհ գալուն: Որքա՞ն է ստույգ թիվը, պրն. Մելիքյան:

ՄԵԼԻՔՅԱՆ Գ.– Այո՛, 1995 թ. Նաջարյանների հիմնած և հետո մեր հիմնադրամի հոգածությանը հանձնված «Արփեն» կենտրոնի աջակցությամբ Արցախում մինչ օրս ծնվել ու խնամվել է 37 873 հայ երեխա: Նրանցից շատերն են դարձել Արցախի պաշտպանության բանակի զինվորներ: Համազգային այդ հաջողության համար շատ հարցերում մեծ է և սփյուռքահայ բարերարների, որոնց թվում և ձեր ներդրումը, որի համար անսահման շնորհակալ ենք:



Խ. Մարդոյան և Գ. Մելիքյան

ԱԳՈՒԼՅԱՆ Ն.– Մենք ենք շնորհակալ, որ Հիմնադրամի աշխատակազմն այդքան նվիրված է մեր միասնական համազգային գործին, որ այդքան համերաշխ ու սրտացավությամբ թե՛ Արցախում բնակվելիս, թե՛ բռնազաղթից հետո՝ Հայաստանում օգնում է արցախցի մեր եղբայրներին ու քույրերին, նրանց երեխաներին:

Հիմա դառնանք Ձեզ, սիրելի՛ Խորեն Մարդոյան: Դուք ընդամենը մի երկու ամիս առաջ էիք Հայաստանում անգնահատելի օգնության ծրագրով և առաջնորդում էիք կանադական «Global Medic» մարդասիրական կազմակերպության գործուղած ներկայացուցիչներին, որոնց հետ այցելեցիք Հայաստանում ապաստանած արցախցիներին: Լավ է, որ Ձեզ հաճախ ենք տեսնում Հայաստանում, բայց ինչպե՛ս եք զուգակցում ժամանակակից բարդ տեխնոլոգիաների, արդիական ինքնաթիռների օդաչուի աշխատանքը մեր ազգային ցավի ու ողբերգության հաղթահարման, Ձեր մարդասիրական ու հայրենասիրական գործունեության հետ: ՄԱՐԴՈՅԱՆ Խ.– Նախ՝ թույլ տվեք շնորհակալություն հայտնել հարցազրույցով Ձեր թերթում հանդես գալու հնարավորության համար, երկրորդն էլ մի ճշտում պիտի անեմ՝ ես օդաչու չեմ:

ԹՂԹ.-Կներեք, մեր թոռուցիկ գրույցների ընթացքում Դուք հաճախ էիք խոսում արդի տեխնոլոգիաներից ու ինքնաթիռ վարելուց, թերևս դա է թյուրիմացության պատճառը: ՄԱՐԴՈՅԱՆ Խ.–Թերևս: Ըջմարիտն այս է. շուրջ հինգ տարի աշխատել եմ բանկային համակարգում, հիմա էլ անշարժ գույքի գործակալությունում: Ես անշարժ գույքի մասնագետ եմ, իսկ օդաչուի մասնագիտությունն ինձ համար պարզապես հոբբի է:

Ես արյան ու հողի կանչով եմ այստեղ, ճիշտ կուզեք՝ Հայաստանից չեմ էլ գնացել. ուր էլ լինեմ՝ Հայաստանում եմ:

Այո՛, Դուք իրավացի եք. «Global Medic»-ի ներկայացուցչական կազմին ես երկու ամիս առաջ ուղեկցել եմ Հայաստանում: Նրանք եկել էին ուսումնասիրելու, ճանաչելու հային ու Հայաստանը երկրում ստեղծված իրավիճակը ավելի քան 100 հազար բռնի տեղահանված արցախցիներին ներառելուց հետո: Նրանց հետ միասին այցելել ենք Հայաստանում տեղակայված արցախցիներին, գրուցել նրանց հետ, հանձնել բերած առաջին անհրաժեշտության օգնություն, շոշափել նրանց տրամադրությունները, պարզել՝ ինչպես են հարմարվում նոր պայմաններին, իմացել նրանց կարիքներն ու մտահոգությունները: Արցախցի մեր եղբայրներն ու քույրերը իրոք հայտնվել են աննախանձելի վիճակում, բայց առանձնապես պահանջներ չեն առաջադրում, հպարտ են, արժանապատիվ և ինքնասեր: Կանադական «Global Medic»-ը այսօր համաշխարհային մարդասիրական մեծ կազմակերպություն է, օգնություն է ցուցաբերում աշխարհի տարբեր երկրներում պատերազմներից, երկրաշարժերից, ջրհեղեղներից ու այլ աղետներից դուժած կարիքավորներին:

Եվ մենք, որպես տորոնտահայ համայնք, այս կազմակերպության հետ սկսեցինք համագործակցել 2016թ. քառօրյա պատերազմից հետո: Տարիների քրտնաջան աշխատանք պահանջվեց, որ մենք կարողանանք այդ կազմակերպությանը Հայաստան բերել ու այժմ էլ նպատակամղել տեղահանված կարիքավոր արցախցիներին օգնելու: Ասեմ, որ նրան խիստ վրդովված ու դառնացած էին ազերի թուրքերի՝ նախամարդուն բնորոշ վայրագություններից և հիացած էին Հայաստանով ու անընկճելի հայերով: Նրանց Food Project-Սննդի ծրագիրը, որ Հայաստանում իրականացվում է երկու կազմակերպությունների՝ «Գուրգեն Մելիքյանի՝ Քաշաթաղի բազմազգավակ ընտանիքների հիմնադրամի» և «Հայ Օգնության Միության» հետ՝ ես եմ համակարգում: Բայց իմ խնդիրը դրանով չի սահմանափակվում:

Ես այստեղ եմ, որովհետև կան նոր մարտահրավերներ, և այստեղ կլինեն, քանի դեռ հայաստանաբնակ արցախցիները մեր օգնության կարիքն ունեն: Ես լավ եմ հասկանում պրն. Գ. Մելիքյանին:

Թ.Ղ.Թ. Հարգելի՛ պարոնայք, Նիկ Ագուլյան և Խորեն Մարդոյան, շնորհակալություն հաճելի ու բովանդակալից հարցազրույցի համար: Ամեն Հայաստան գալով՝ Դուք իրագործում եք մի լավ ծրագիր, բերում եք մի լավ հույս, որ թոթափում է բոլորիս ընկճվածությունը: Հուսանք՝ մեր ժողովրդի ու հայրենիքի ներկա ձախողումներն ու նեղությունները ժամանակավոր են ու հաղթահարելի: Հրաժեշտից առաջ ուզում եմ հիշեցնել մեծ բանաստեղծի հուսադրող պատգամը.

Հայակործան դարեր անցան՝ այս էլ կանցնի:

Ուրեմն՝ տոկանք ու համբերենք:

Հաջողություն Ձեր ազգանվեր ու հայրենանվեր գործին: Հաճախ եկեք Հայաստան:



Ստեֆանը "ԷկոՖուդ"-ի արկղերով



Կելթլինը, Սուրեն Սեփանյանը, և Խորեն Մարդոյանը սննդի արկղերով



Խորեն Մարդոյանը հիգիենիկ պարագաներ բաժանելիս

«Global Medic» is visiting Armenia again

In July, the second team of «Global Medic» organization arrived in Yerevan, Armenia.

Board members and Executive Director of «Gurgen Melikyan Multichildren Family Foundation of Kashatagh» as well as the representatives of «Global Medic» organization, David and Lori visited the forcibly displaced families of Artsakh, beneficiaries of the foundation.

Visits were made to historical Aghdzk, where beneficiaries Liana Safaryan and Ishkhan Sargsyan reside with their 9 children, to Katnaghbyur, where Arevik Grigoryan and Ernest Khosrovyan reside with their 9 children. The team also visited the forcibly displaced families in Getashen village of Armavir region and various regions of Yerevan.

Clothing, hygiene supplies and locally manufactured food were distributed to the families. «Gurgen Melikyan Multichildren Family Foundation of Kashatagh» expresses its deep gratitude to the organization for collaboration and support. Families were provided t-shirts contributed by our compatriots Tatev Manukyan and Nvard Arakelyan from US. The board expresses its deep gratitude to them. During the visit, our compatriot, public health specialist, lecturer at Simon Fraser University in Canada, Kate Tairyan joined us.

Locally produced food purchased with the funds of «Global Medic» was delivered to the families.

Representatives of «Global Medic», David and Lori met with the leader of the «Holy Struggle», Archbishop Bagrat Galstanyan. Holy Father expressed his gratitude and blessed them for their humanitarian activities and dedication.

Board of the foundation expresses its deep gratitude to our compatriot, Khoren Mardoyan, who lives in Canada, for his unconditional dedication.



With the family of Lianna Safaryan and Ishkhan Sargsyan-9 children



With Arevik Grigoryan family-9 children



With Armine Badalyan and Armen Vartanian family - 6 children



At "EcoFood" factory, signing a contract

Letter from David:

Hello Gurgen. Hope you are well and things are proceeding with the families. I just wanted to say again, what a privilege it was working with you, and I hope you work well with the next team coming soon.



With Armine Badalyan and Armen Vartanian family - 6 children



Lori and David at the factory showroom



With Ordubekian family-9 children



With Danielyan Nubar Family-3 children

Լուսինե Զաքարյանի տուն-թանգարանը հինգ տարեկան է

Հայ մշակույթի բազմադարյա պատմության մեջ բացառիկ ՀՀ ժողովրդական արտիստ երևույթ է Լուսինե Զաքարյանը: Նա եկավ, որ մեր և աշխարհի բեմերում դասական ու կոմիտասյան երաժշտության հետ միասին հնչեցնի միջնադարյան հայ հոգևոր երգը: Եվ իր աստվածաշնորհ երգեցողությամբ նվիրվեց հայ տոհմիկ երաժշտությանը: Ազգին նոր մեկնությամբ ու բացառիկ կատարումով ընծայեց մեր միջնադարյան տաղերն ու շարականները, դարձավ ազգային զարթոնքի մեծագույն ոգեշնչողներից մեկը: Իր այս առաքելությունն իրականացնելու ճանապարհին նրա հիմնական խորհրդատուն, անբաժան ընկերը, ամուսինը՝ **Խորեն Պալյանն** էր՝ մանկավարժ, շարականագետ, ծիսագետ, գրաբարագետ, ազգային ժառանգության խոշոր գիտակ և պահպան... Աշխարհի որ բեմում կամ հայկական որ գաղթօջախում էլ երգում էին Լուսինեն և Խորենը, հոգեպես վերածնվում էր հայ մարդը, իսկ օտարը ճանաչում էր անձնական ժողովրդին, որը եվրոպական Վերածննդից դեռ մի քանի դար առաջ այն կանխող Գրիգոր Նարեկացու պես հսկա է ծնել... Եվ այս գանձերը նրանք սփռում էին հայ երգեհոնային երաժշտության լեզուններ Վահագն Ստամբուլյանի, Պերճ Ժամկոչյանի, Լևոն Աբրահամյանի հետ միասին:

Լուսինեն ծանոթ էր համաշխարհային երաժշտության գանձարանին: Բայց իր կյանքի բոլոր օրերը նվիրեց իր ազգի մշակույթին: Եվ այս մասին պահպանված միակ հարցազրույցում նա ասել է.

– Շատ եմ սիրում Բախի, Հենդելի, Մոցարտի և այլ մեծերի ստեղծագործությունները, բայց իմ հոգուն առավել մոտ են մեր միջնադարյան աննման գոհարները և, մանավանդ, Խորենացու, Նարեկացու, Շնորհալու հոգեզմայլ մեղեդիները: Ես շատ ուրախ եմ, որ կարողացա մի փոքր բաժին բերել ի նպաստ Կոմիտասի հիմնադրամի, քանի որ այստեղ Կոմիտասի անունը կա: Կոմիտասն այն հանճարն է, որի առաջ պետք է խոնարհվել:

Այսպես ապրեց հայ հոգևոր երգի մեծ առաքյալը՝ Լուսինե Զաքարյանը: Միանգամայն ճիշտ բնորոշում են տվել նրա կյանքին ու գործունեությանը մեծերը՝ Պարույր Մևակը, Արամ Խաչատրյանը, ամերիկացի նկարիչ Ռոքուել Քենտը, պրոֆեսոր Սվետլանա Նավասարդյանը և շատ ուրիշներ:

«Նա պետք է երգեր Օլիմպոսում, աստվածների համար... Լսում էիր գնալով չգիտեիր, թե ինչն է ավելի գեղեցիկ՝ Տաճար, թե՞ Չայնը: Պարզապես Տաճար գտել էր իր Չայնը, իր Հոգին, որի մեջ անփոփոխելի բյուրեղացել էր հեռու հեքից ունայնության...»

Ու թեև առաձ սավառնում էր հրաշք այդ Չայն-Հոգին այլևհեր գմբեթի վրայով, հալվում մեր սար ու ձորերի



մշուշների մեջ, դառնում կաթիլք, ցող, անձրև, շունչ ու արյուն: Ու սփռում էր Սեր...

Բիբլիական Չայն էր՝ Բիբլիական Հողի վրա...»:

Հինգ տարի առաջ բացվեց Լուսինե Զաքարյան տուն-թանգարանը: Պահպանվել է ավելի քան քսան տարվա մի հեռուստահաղորդում, որտեղ Խորեն Պալյանը հյուր էր Համլետ Ղուչյանին: Նա ասել էր.

– Ես ապրում եմ, որ ապրեցնեմ Լուսինեի հիշատակը: Իմ կյանքի նպատակը մեր տունը Լուսինեի անվան տուն-թանգարան դարձնելն է...

Սակայն ոչ ոք չօգնեց հայ հոգևոր երգի պահպանին՝ Խորեն Պալյանին: Նրա կյանքի օրոք այս նվիրական իղձը, ցավոք, մնաց անկատար: Եվ միայն տարիներ անց՝ Խորեն Պալյանի եղբորորդի Բաֆֆի Պալյանի շնորհիվ՝ Երևանի Կողբացի 42/3 հասցեում գտնվող այն բնակարանը, ուր ապրել ու ստեղծագործել են Լուսինե Զաքարյանը և Խորեն Պալյանը, վերածվեց թանգարանի. իրականություն դարձավ նրանց նվիրական երազանքը:

2019 թ. հունիսի 1-ին՝ Լուսինեի ծննդյան օրը, բացվեց Լուսինե Զաքարյան տուն – թանգարանը: Տնօրեն նշանակվեց Բաֆֆի Պալյանին ԵՊԲ ինստիտուտում դասավանդած, այժմ փիլ. գիտ. դոկտոր, արվեստի սոցիոլոգ, ՅՈՒՆԵՍԿՕ-ի բիոէթիկայի ամբիոնի հայաստանյան մասնաճյուղի (Հայֆա) վարիչ Սուսաննա Դավթյանը, ով 1965թ. -ից ի վեր նվազակցել է Խորեն Պալյանին, երբեմն էլ՝ Լուսինե Զաքարյանին:

Այս հինգ տարիների ընթացքում Սուսաննա Դավթյանի ջանքերով թանգարանը փայլել է իր գործունեությամբ՝ վերածվելով հոգևոր-մշակութային կենտրոնի, յուրօրինակ փնտրելի մի վերնատան: Այցելուներն անխտիր «Այցելուների հաշվառման և տպավորությունների գրանցման մատյանում» ԽՄՀՄ ժողովրդական արտիստ,

ՀՀ Ազգային հերոս, պրոֆեսոր, Հայաստանի պետական ազգային ակադեմիական երգչախմբի գեղարվեստական ղեկավար և գլխավոր դիրիժոր Հովհաննես Չեփիջյանը գրել է. «*Լուսինե Չաքարյանի անունը հավերժացնող այս թանգարանի տնօրեն Սուսաննա Դավթյանին երախտապարտ ենք ազգովի*»:

...2024 թ. հունիսի 1-ին նախատեսված էր թանգարանի 5-ամյակին նվիրված մեծ միջոցառում, որը պետք է կայանար Երևանի Կոմիտասի անվան Կամերային երաժշտության ազգային կենտրոնում: Սակայն մեր երկրի առջև ծառայած մարտահրավերներով պայմանավորված՝ երգչուհու հիշատակը ոգեկոչելու և թանգարանի 5-ամյակը տոնելու համար Լուսինեի ու Խորենի մտերիմները հավաքվեցին թանգարանում՝ փոխանցելու իրենց հուշերը, խոսելու հայ մշակույթը և մեր ազգային ժառանգությունը պահպանելու հիմնախնդիրների մասին: ԱՄՆ-ից ժամանել էր նաև դոկտոր Բաֆֆի Պալյանը:

Լեփ-լեցուն սրահում միջոցառումն սկսվեց «Շողակաթ» հեռուստաընկերության 21 բուպեանոց տեսահոլովակի ցուցադրությամբ, որը նվիրված էր Լուսինե Չաքարյանին և թանգարանին:

Բաֆֆի Պալյանն իր խոսքում ընդգծեց.
-*Մեր հույսն է, որ այս փոքրիկ թանգարանը վերածվի մատուռի: Մեր նպատակն է, որ հայ նոր սերունդը հաղորդակցվի մեր հոգևոր ժառանգությանը, որ թանգարանը սատար լինի հոգևոր երաժշտության սիրահար շնորհալի երիտասարդությանը: Ուզում եմ շնորհակալություն հայտնել տիկին Սուսաննա Դավթյանին, որ այս հինգ տարիների ընթացքում կարողացավ իր հոգին, էությունը, սերը ներդնել և կայացնել ու արհեստավարժորեն կանգուն պահել ու ծաղկեցնել այս թանգարանը: Նույնիսկ քովիդյան համաճարակի ժամանակներում թանգարանի աշխատանքը կանգ չառավ: Նրա նպատակասլաց ջանքերի շնորհիվ այսօր ունեցանք Լուսինե Չաքարյանի անվան լսարան Թումանոս Մելիքյանի անվան երաժշտական ուսումնարանում, Երևանի փողոցներից մեկը կոչվեց Լուսինե Չաքարյանի անունով, անցկացվեց Լուսինե Չաքարյանին նվիրված երգի համահայկական առաջին փառատոնը, որը բացահայտեց մի մեծ խումբ շնորհալի երգիչների, յուրաքանչյուր տարի 5 – 6 ուսանող արժանանում են Լուսինե Չաքարյանի և Խորեն Պալյանի անվան անվանական կրթաթոշակների՝ «Գուրգեն Մելիքյանի Քաշաթաղի բազմազգակ ընտանիքների հիմնադրամի» հովանավորությամբ: Շնորհակալ եմ նաև բոլոր այն անձանց, ովքեր տարիներ շարունակ աջակցեցին, մասնակից եղան թանգարանի ստեղծմանը:*


Բաֆֆի Պալյանը իր շնորհակալությունն ու երախտագիտությունը հայտնեց նաև Արմեն Ամիրյանին, Արև Մամուլեյանին, հոգաբարձուների խորհրդի անդամներին՝ իրավաբան Էդիկ Ավետիսյանին, պրոֆեսորներ Գուրգեն Մելիքյանին, Արծրուն Ավագյանին, Սամվել Մուրադյանին...

Միջոցառմանը ներկա ՀՀ Մշակույթի նախկին նախարար Արմեն Ամիրյանն ասաց .

-*Ի՞նչ էր մեզանից պահանջվում՝ տրամադրել ֆինանս, կահավորանք...Բայց բոլոր հարցերը լուծել էր Բաֆֆի Պալյանը: Փառք ու պատիվ քեզ, սիրելի Բաֆֆի: Պատահական չէ, որ Վազգեն Ա Վեհափառն ասում էր. «Երբ Լուսինեն երգում է «Սուրբ-Սուրբ»-ը, երկնքից հրեշտակների մի հսկա խումբ է իջնում Մայր Աթոռ ու փառաբանում Աստծուն»: Հիմա էլ, համոզված եմ, որ այստեղ՝ այս պահին հրեշտակների մի մեծ խումբ կա, և գլխավոր հրեշտակ Լուսինե Չաքարյանի առաջնորդությամբ մեզ կարող են հաղորդակից դարձնել հայ հոգևոր երաժշտությանը:*

Ներկայացնենք մի դրվագ տնտեսագիտության թեկնածու, դոցենտ Մաքսենա Հարությունյանի խոսքից, ով եկել էր Նյու-Յորքից.

- *Բժշկական համալսարանում ստեղծվել էր հասարակական մասնագիտությունների ֆակուլտետ (ՀՄՖ), որի ղեկան ինձ էին նշանակել, իսկ արվեստագիտության բաժնի վարիչը Սուսաննա Դավթյանն էր, ով այդ ժամանակներում նվազակցում էր Խորեն Պալյանին և մտերիմ էր նրանց ընտանիքին: Որոշեցինք Սուսաննայի միջոցով Խորենին հրավիրել մեր ֆակուլտետ՝ դասավանդելու գրաբար, որ ուսանողությունը մեր ոսկեդեմիկ լեզվի ու գրականության, գիտության ու մշակույթի հետ անմիջական շփում ունենա:*



ՀԽՄՇ ժողովրդական արտիստուհի Լուսինե Չաքարյանի հուշատախտակը թանգարանի պատին

Պատկերացրեք՝ Խորենը համաձայնեց: Եվ որքա՛ն էին ուսանողները նրան սիրում, որովհետև ոչ միայն դասավանդում էր, այլև ուսանողներին տանում էր եկեղեցիները, նրանց սովորեցնում էր հայ երգը: Այդպիսով նրանք երգում ու հաղորդակցվում էին մեր ազգային հարստությանը:

Շատերը, յուրացնելով գրաբարը, գնում էին Մատենադարան ու թարգմանում էին միջնադարյան հայ բժշկապետների աշխատությունները: Շատ կարևոր աշխատանք էր դա, որ սիրով անում էր Խորեն Պալյանը:

Տարիներ առաջ որոշվեց երաժշտական կրթօջախներում և Երևանի պետական համալսարանում սահմանել Լուսինե Զաքարյանի և Խորեն Պալյանի անվանական կրթաթոշակներ: Սա գործող կայուն ծրագիր է, որը արվեստի և բնասիրության աշխարհ ոտք դնող նոր սերնդին խրախուսում, ուղղորդում է ընթանալ Լուսինե Զաքարյանի և Խորեն Պալյանի նվիրական հետքերով:

Այդ շնորհալիները լավ են հիշում, որ իրենց վերընթացը թանգարանի՝ շնորհած՝ Լուսինե Զաքարյանի անվանական կրթաթոշակով սկսվեց:

Հունիսի 3-ին տուն-թանգարանում կայացած միջոցառմանը, որ նվիրված էր Լ. Զաքարյանի ծննդյան օրվան, նույնպես հաճելի անակնկալ եղավ. միջոցառմանը երգով հանդես եկած ուսանողների համար. նրանք արժանացան «Գուրգեն Մելիքյանի՝ Քաջաթաղի բազմազավակ ընտանիքների հիմնադրամի» դրամական պարգևին, որ տեղում որոշեցին շնորհել հիմնադրամի հոգաբարձության խորհրդի ներկա անդամները:

Միջոցառմանը հնչած ելույթներից առանձնացնենք նաև պրոֆեսոր Արծրուն Ավագյանի խոսքը, ով նաև Լուսինե Զաքարյան տուն-թանգարանի հոգաբարձուների խորհրդի անդամներից է:

– «Շողակաթ» ընկերության ֆիլմի վերնագրում պետք է ավելացնել Խորեն Պալյանի անունը,– ասաց նա ու շարունակեց. *– ուզում եմ առանձնահատուկ ընդգծել հարգարժան Ըաֆֆի Պալյանի ջանքերը, որ Գուրգեն Մելիքյանի, Մամվել Մուրադյանի հետ ներդրեց հիմնելու այս թանգարանը: Այսօր, այո՛, կայացել է Լուսինե Զաքարյան տուն – թանգարանը: Կայացել է՝ շնորհիվ մեր Մուսաննայի: Դուռը փակ չէ, որովհետև ձեզ նման մարդիկ են գալիս – գնում:*

Մերունդներին մեր հոգևոր ժառանգությանը հաղորդակից դարձնելու համար կյանքի կոչվող ծրագրերից մեկն

էլ համագործակցությունն է երաժշտական տարբեր հաստատությունների հետ՝ Կոմիտասի անվան պետական կոնսերվատորիա, Անտ Բաբաջանյանի, Ռոմանոս Մելիքյանի, Շառլ Ազնավուրի անվան երաժշտական ուսումնարաններ, այս բոլորի հետ՝ նաև Երևանի պետական համալսարան...



Լուսինե Զաքարյանը և Խորեն Պալյանը

Ամեն տարի թանգարանը հեղինակավոր մասնագետներից կազմված ժյուրիով պարբերաբար անցկացնում է մրցույթ:

Հպարտությամբ կարող ենք արձանագրել, որ Լուսինե Զաքարյանի անվանական կրթաթոշակի արժանացած որոշ ուսանողներ այսօր, որպես մեներգիչներ, երգում են տարբեր բեմահարթակներում:

Միջոցառման ավարտին հյուրասիրության սեղանի շուրջ շարունակվեցին մտերիմների ջերմ գրույցներն ու հուշապատումները Լուսինեի ու Խորենի մասին:

Լուսինե Զաքարյան տուն-թանգարանն արդեն դարձել է հայ հոգևոր երգը պահպանելու և տարածելու մի կանթեղ, որը երկար է վառվելու և լուսավորելու սերունդների ճանապարհը:

ՀԱՄԱՐԿ ՊՈՂՈՍՅԱՆ
ՀՀ Ժուռնալիստների միության անդամ

Արվեստագետի անկյուն

Հիմնադրամիս հոգաբարձության խորհրդի որոշմամբ «Բարեգործի» այս և հաջորդ համարներում կտպագրվեն ՀՀ վաստակավոր նկարիչ, հոգաբարձության խորհրդի անդամ, նվիրյալ բարերար Շմավոն Շմավոնյանի գեղանկարներից:



Արարատը գարնանը՝ Արարատյան դաշտից

Երախտագետի անկյուն

ՆԱՄԱԿ ՋՈՐՋ և ՔԵՐՈՒԱՆ ՆԱԶԱՐՅԱՆՆԵՐԻՆ

Բարև Ջեզ, սիրելի Ջորջ և Քերուան Նաջարյաններ:
Ջեզ գրում է Արցախի Մարտունու շրջանի Մանկապաշտենի գյուղբնակչուհի Վերա Ալեքսանյանը:

Մենք մեր հայրենիքում ապրել ենք պայքարելով, սակայն հույսով և հավատով, որ ամեն ինչ լավ է լինելու:
Չորս պատերազմ ենք տեսել, բայց չենք պատկերացրել մեզ առանց ծննդավայր, ունեգուրկ, տնանկ...Ես իմ երեխաներին ու աշակերտներին դաստիարակել եմ հայրենասիրությամբ, «Ախր ես ինչպե՞ս վեր կենամ գնամ»-ը մեր կարգախոսն էր: Իսկ հիմա դարձել ենք գաղթական, կոտրված սրտեր, անորոշություն...
Ինչպե՞ս ոտքի կանգնել, ինչպե՞ս շարունակել ապրել...

Ինչպե՞ս ոտքի կանգնել, ինչպե՞ս շարունակել ապրել...

Այս դժվարին պայմաններում իմ ընտանիքին երկրորդ անգամ օգնության ձեռք մեկնեցիք:

«Գուրգեն Մելիքյանի՝ Քաշաթաղի բազմազավակ ընտանիքների հիմնադրամը» որդուս՝ Դավիթ Մելքունյանի հաշվեհամարին փոխանցել է 200 000 (երկու հարյուր հազար) ՀՀ դրամ:

Իմ խորին երախտագիտությունն եմ հայտնում Ջեզ՝ Ձեր անմնացորդ նվիրումի ու գորակցության համար:

Մաղթում եմ Ջեզ արցախյան երկարակեցություն, հաջողություններ Ձեր հայրենանվեր գործունեության մեջ:

Լավագույն մագթանքներով ստորագրություն
(Վերա Ալեքսանյան)

7.06. 2024

Տ Խ Ր ՈՒ Ն Ի

Մեր հիմնադրամի լավագույն և նվիրյալ բարեկամ պրն. Հարմիկ Տեր-Հովհաննիսյանը կյանքին հրաժեշտ է տվել մեկ տարի առաջ: Նա ծնվել էր 1928 թ. հոկտեմբերի 18-ին Իրանի Թավրիզ քաղաքում՝ Հովհաննեսի և Նունյայի համերաշխ հայ ընտանիքում: Սովորել է Թավրիզի միջնակարգ դպրոցում, ուսումը ընդհատելով՝ վերապատրաստվել է որպես հաստոցագործ և տարիների փորձառությամբ դարձել հմուտ մասնագետ՝ միշտ գնահատվելով իր արհեստավարժ գործունեությամբ: Հարմիկը աչքի էր ընկնում իր յուրահատուկ ընդունակությամբ պարարվեստի և սպորտի բնագավառներում վաստակելով բազմաթիվ շքանշաններ՝ վագրի, թռիչքի և ծանրամարտի սպորտաձևերում: Նա հայտնի էր նաև որպես Թավրիզի հայկական ֆուտբոլային թիմի դարպասապահ:

Հարմիկի աշխատանքային գործունեությունը տևել է 40 տարի Իրանում և 7 տարի Լոս Անջելեսում:



Վերջին լուսանկարը պրն. Հարմիկի հետ, մայիս 2023

Հանդիպելով իր միակ սեր Նորամայրին՝ 1952 թ. ամուսնանում են՝ ստեղծելով օրինակելի ընտանիք, ուր վայելել են 70 տարվա համատեղ կյանք: Ծնել և դաստիարակել են երկու զավակ՝ Նորայր և Հրաչ, որոնք կազմել են իրենց ընտանիքները և մասնակցել մեր հիմնադրամի բարեգործական ծրագրերին: Նորամայրն, օրինակ, Հիմնա-

դրամիս համար ցայսօր օրը մեկ դուլար է հավաքում և տարեվերջին ուղարկում մեզ: Այս իրողությանն անդրադարձ կա մեր թերթի նախորդ համարներից մեկում:

Մեպտեմբերի 10-ը արժանավոր և օրինակելի հայի՝ Հարմիկ Տեր-Հովհաննիսյանի մահվան տարելիցն է:



Գուրգեն Մելիքյանը Տիկ. Նորամայրի հետ, մայիս 2023

Այդ առթիվ «Գուրգեն Մելիքյանի՝ Քաջաթաղի բազմազավակ ընտանիքների հիմնադրամի» հոգաբարձության խորհուրդն իր անկեղծ վշտակցությունն է հայտնում Տիկ. Նորամայր Տեր-Հովհաննիսյանին ու բոլոր հարազատներին:

Պրն. Հարմիկի հիշատակը միշտ վառ կմնա մեր սրտերում որպես հայրենասեր, բարի և նվիրված անձնավորություն: Նրան ևս պատշաճում է ավանդական աղոթքի «Յիշատակն արդարոյն օրհնեալ եղիցի» կարգախոսը:

ՀԻՄՆԱԴՐԱՄԻ ՀՈԳԱԲԱՐՁՈՒԹՅԱՆ
ԽՈՐՀՈՒՐԴ

2024 թ. ՍՏԱՑՎԱԾ ՕԳՆՈՒԹՅՈՒՆՆԵՐ

N.	Ամսաթիվ	Անուն, ազգանուն	Վճարման նպատակ	Գումար	Համարժեք
1	1/16/2024	Բարախանի Սերոփ Ավետիսի	Նվիրատվություն	121647	300 USD
2	1/19/2024	Վանեցյան Կարեն Ռոբերտի	Օգնություն	10131250	25000 USD
3	1/26/2024	Թեքեյան կենտրոն հիմնադրամ	Նվիրատվություն	4205250	
4	1/29/2024	Ազիզյան Սոֆի	Շ Ծմավոնյանի «Արարատ» պլոմի համար	20000	
5	1/29/2024	Այվազյան Արմեն	Օգնություն	100125	
6	2/8/2024	Քահվե Սաիթ	Օգնություն Արցախի հայրենակիցներին	600000	
7	2/13/2024	Գրիգորյան Ալեքսանդր	Բարեգործություն	1000000	
8	2/15/2024	Panap-Aliancia ochrany mieru stara Vajnorska	Օգնություն	1497242	3466 EUR
9	2/27/2024	Մելիքյան Գուրգեն	Anna Stepanian Mulray սիրուն Անիկի հիշատակին՝ 26/02/24:	20000	
10	3/5/2024	Հովհաննիսյան Վոլոդյա	Բարեգործություն	60000	
11	4/5/2024	Հովհաննիսյան Վոլոդյա	Բարեգործություն	60000	
12	5/13/2024	«Թեքեյան կենտրոն» հիմնադրամ	Նվիրատվություն	2735000	
13	5/16/2024	Աղաջանյան Արա	Արմտեքս ՄՊԸ փոխառության վերադարձ	100000	
14	5/16/2024	LM ANONYMOUS	Օգնություն	192000	500 USD
15	5/21/2024	Ֆյորա Սարյան	Օգնություն	52200	
16	5/27/2024	Զարեհ Մարտին	Օգնություն	192000	500 USD
17	6/7/2024	Նիկողոս Ազուլյան	Օգնություն Nikoghos Agulian	192375	500 USD
18	6/10/2024	Հովհաննիսյան Վոլոդյա	Բարեգործություն	60000	
19	6/28/2024	Մելիքյան Գուրգեն	Ծառերի ծրագիր՝ հայրենիքի նվիրյալ, մեծ գիտնական Մարգար Գրիգորյանի հիշատակին:	20000	
20	6/28/2024	Նիկողոս Ազուլյան	Օգնություն Nikoghos Agulian	154000	400 USD
21	08/21/2024	«Թեքեյան կենտրոն» հիմնադրամ	Օգնություն	2678350	
22	08/29/2024	Միրզոյան Մնացական	Օգնություն	100000	
23	08/30/2024	Փիրջանյան Վահրամ	Օգնություն	150000	

Ընդամենը

24,441,439

Հիմնադրամի հոգաբարձության խորհրդի՝ Արցախից բռնագաղթված մեր հայրենակիցներին օգնելու կոչին այսպես են արձագանքում՝ համալսարանականները.

Հ/հ	Ամսաթիվ	Ֆակուլտետ	Նպատակ	Գումար
1	1/16/24	ԵՊՀ երկրաբան. և հետազոտ. կենտրոն ՄՊԸ	Օգնություն	300000
2	06/17-06/24	ԵՊՀ Իրավագիտության ֆակ.	Օգնություն	424000
3	6/18/2024	Մարտիրոսյան Տաթևիկ Քաղաքացիական իրավ ամբիոն	Օգնություն	75000
4	6/19/2024	Աբրահամյան Ռոզա	Օգնություն	5000
5	6/20/2024	Աբրահամյան Ռոզա Քրեական իրավ. ամբիոն	Օգնություն	70000
6	6/21/2024	Վաղարշյան Ռուզաննա ԵՊՀ իրավագիտ. ֆակ	Օգնություն	20000
7	6/21/2024	Աբրահամյան Ռոզա Պետ և Իրավ. ամբիոն	Օգնություն	25000
8	6/21/2024	Այվազյան Վարդան	Օգնություն	64000
9	6/27/2024	Սողոմոնյան Դիանա ԵՊՀ Ֆարմացիայի ինստիտուտ	Օգնություն	93700
10	6/28/2024	Մելիքյան Գուրգեն ԵՊՀ մանկ. կրթ. զարգացման կենտրոն	Օգնություն	100000
11	7/11/2024	Բարսեղյան Վիկտորիա	Օգնություն	10000
12	7/18/2024	Մուրադյան Մարիա	Օգնություն	2000
13	7/18/2024	ԵՊՀ արևելագիտության ֆակուլտետ Ռուբեն Մելքոնյան	Օգնություն	210000
14	7/19/2024	Հայրապետյան Դավիթ	Օգնություն	2000
13	7/22/2024	ԵՊՀ եվրոպական լեզուների և հաղորդակցության ֆակուլտետ	Օգնություն	186000
15	7/22/2024	ԵՊՀ աշխարհագրության և երկրաբանության ֆակուլտետ	Օգնություն	365000
16	07/28/2024	ԵՊՀ մանկավարժության և կրթության զարգացման կենտրոն	Օգնություն	100000
17	08/26/2024	ԵՊՀ հայ բանասիրության ֆակուլտետ Եղիազարյան Վարդան	Օգնություն	100000
18	08/29/2024	ԵՊՀ փիլիսոփայության և հոգեբանության ֆակուլտետ	Օգնություն	115000

**Ընդամենը՝ 2,266,700
Շարունակելի...**

ԳԼԽԱՎՈՐ ԽՄԲԱԳԻՐ՝ ՍԱՄՎԵԼ ՄՈՒՐԱԴՅԱՆ
բան. գիտ. դոկտոր, պրոֆեսոր
ԽՄԲԱԳՐԱՎԱԶՄ՝ ԱՎԱԳՅԱՆ Ա. Բ. Գ. Պ., պրոֆեսոր
ՄԵԼԻՔՅԱՆ Գ. Բ. Գ. Թ., պրոֆեսոր
ՍԱՖԱՐՅԱՆ Ա. Ս. Գ. Թ., պրոֆեսոր

Համարի կյուրերը, շարվածքը, լուսանկարները, ձևավորումը Ս. Մուրադյանի Տպագրանակը՝ 99: Թերթը բաժանվում է անվճար: Խմբագրության հասցեն՝ Երևան 0025, Աբովյան 52 Ա, հայ բանասիրության ֆակ. մասնաշենք. 212 սենյակ: Հեռ.՝ 060 710 617, 055 522936, 552537: